



**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO**

Ložionička 3, 71000 Sarajevo, Tel: + 387 (0)33 723 550, Fax: 716 400, www. vrifbih.ba, e-mail: urrevfed@bih.net.ba, vrifbih@vrifbih.ba

**IZVJEŠTAJ O REVIZIJI FINANSIJSKIH IZVJEŠTAJA
FEDERALNOG MINISTARSTVA RASELJENIH
OSOBA I IZBJEGLICA**

ZA 2009. GODINU

Broj: 03 –15 /10

Sarajevo, april 2010. godine

**MENADŽMENTU:
FEDERALNOG MINISTARSTVA RASELJENIH
OSOBA I IZBJEGLICA****NEZAVISNO REVIZORSKO MIŠLJENJE*****Osnov za reviziju***

Izvršili smo reviziju finansijskih izvještaja **Federalnog ministarstva raseljenih osoba i izbjeglica** za 2009. godinu, (bilansa stanja na dan 31. decembra 2009. godine i odgovarajućeg računa prihoda i rashoda, izvještaja o izvršenju budžeta za godinu koja se završava na taj dan), te reviziju usklađenosti poslovanja sa važećim zakonskim i drugim relevantnim propisima i pregleda značajnih računovodstvenih politika i drugih napomena uz finansijske izvještaje.

Odgovornost rukovodstva

Rukovodstvo Federalnog ministarstva raseljenih osoba i izbjeglica odgovorno je za izradu i fer prezentaciju finansijskih izvještaja u skladu sa posebnim propisima u Federaciji o računovodstvu i finansijskom izvještavanju u javnom sektoru. Ova odgovornost obuhvata: kreiranje, primjenu i održavanje internih kontrola koje su relevantne za pripremu i fer prezentaciju finansijskih izvještaja koji ne sadrže materijalno značajne pogrešne iskaze nastale uslijed korupcije i prevare, odabir i primjenu odgovarajućih računovodstvenih politika i računovodstvene procjene koje su razumne u datim okolnostima. Rukovodstvo je također odgovorno za usklađenost poslovanja sa važećim zakonskim i drugim propisima.

Odgovornost revizora

Naša je odgovornost da izrazimo mišljenje o finansijskim izvještajima po osnovu provedene revizije, koju smo izvršili u skladu sa Zakonom o reviziji institucija u FBiH ("Sl. novine FBiH", broj 22/06), INTOSAI revizijskim standardima i Međunarodnim standardima revizije. Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji ne sadrže materijalno značajne pogrešne iskaze, te da je poslovanje usklađeno sa važećim zakonskim i drugim relevantnim propisima.

Revizija uključuje provođenje postupaka u cilju pribavljanja revizorskih dokaza o usklađenosti poslovanja i o iznosima i objelodanjivanjima danim u finansijskim izvještajima. Izbor postupka je zasnovan na revizorskom prosuđivanju, uključujući procjenu rizika materijalno značajnih pogrešnih iskaza u finansijskim izvještajima. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja, u cilju odabira revizorskih postupaka koji su odgovarajući u danim okolnostima, ali ne u cilju izražavanja odvojenog mišljenja o efektivnosti internih kontrola. Revizija također uključuje ocjenu primijenjenih računovodstvenih politika i značajnih procjena izvršenih od strane rukovodstva, kao i ocjenu opće prezentacije finansijskih izvještaja.

Smatramo da su pribavljeni revizorski dokazi dovoljni i odgovarajući i da osiguravaju osnovu za naše revizorsko mišljenje.

Kvalifikacija:

1. Ne može se potvrditi da je izbor dijela korisnika pomoći (Projekat rekonstrukcije i obnove individualnih stambenih objekata i objekata zajedničkog tipa stanovanja, Projekat održivog povratka, kao i Projekat podrške povratku Srba na područje FBiH) izvršen na način koji osigurava punu transparentnost postupka u skladu sa Zakonom o raseljenim licima i povratnicima u FBiH i izbjeglicama iz BiH imajući u vidu da je izbor korisnika pomoći vršen bez javnog oglašavanja (tačka 4.4.2. Izvještaja).
2. Nabavka motornog vozila u iznosu od 56.064 KM nije izvršena u skladu sa Zakonom o javnim nabavkama BiH u dijelu provođenja odgovarajućeg postupka nabavke vozila, a održavanje vozila u iznosu od 7.695 KM nije vršeno od strane dobavljača sa kojim je zaključen ugovor.

Također se ne može potvrditi da je u skladu sa Zakonom o javnim nabavkama BiH izvršen odabir najpovoljnijeg ponuđača za usluge prevoza putnika za potrebe manifestacija koje podržava Ministarstvo obzirom da je ugovoreni odnos za usluge zaključen sa dva ponuđača (tačka 4.5. Izvještaja).

3. Opravdanost isplate dijela izdataka po osnovu ugovora o djelu u neto iznosu od 34.464 KM (bruto iznos 42.697 KM) ne možemo potvrditi iz razloga što su zaključeni za izvršenje onih poslova koji predstavljaju redovne poslove i zadatke uposlenih koji su utvrđeni Pravilnikom o unutrašnjoj organizaciji Ministarstva (tačka 4.4.1. Izvještaja);

Mišljenje

Po našem mišljenju, osim za navedeno u prethodnom pasusu, finansijski izvještaji Federalnog ministarstva raseljenih osoba i izbjeglica, po svim bitnim pitanjima, prikazuju istinito i objektivno, stanje imovine i obaveza na dan 31.12.2009. godine, rezultate poslovanja i izvršenja budžeta za godinu koja se završava na taj dan, u skladu sa prihvaćenim okvirom finansijskog izvještavanja tj. Uredbom o računovodstvu budžeta u FBiH i Pravilnikom o finansijskom izvještavanju i godišnjem obračunu budžeta u FBiH.

Finansijsko poslovanje Ministarstva u toku 2009. godine, osim za napomene navedene u tačkama 1. i 2. u prethodnom pasusu, je bilo u svim materijalno značajnim aspektima usklađeno sa važećom zakonskom regulativom.

Sarajevo, 12.04.2010. godine

Zamjenik generalnog revizora

Branko Kolobarić, dipl. oec.

Generalni revizor

Dr. sc. Ibrahim Okanović, dipl. oec.

SADRŽAJ

1.	UVOD	1
2.	REZIME	1
3.	PREDMET, CILJ I OBIM REVIZIJE	2
4.	NALAZI	2
4.1	Osvrt na preporuke iz prethodnog izvještaja	2
4.2	Sistem internih kontrola	3
4.3	Budžet za 2009. godinu	3
4.4	Tekući rashodi	3
4.4.1	Izdaci za materijal i usluge	3
4.4.2	Tekući transferi	4
4.4.3	Kapitalni transferi	7
4.5	Primjena Zakona o javnim nabavkama BiH	8
5.	KOMENTAR	9
PRILOG BR.1	PRILOG BR.1	1
	Izvršenje budžeta Federalnog ministarstva raseljenih osoba i izbjeglica na dan 31.12. 2009. godine	1

**IZVJEŠTAJ O OBAVLJENOJ REVIZIJI
FINANSIJSKIH IZVJEŠTAJA FEDERALNOG MINISTARSTVA
RASELJENIH OSOBA I IZBJEGLICA
za 2009. godinu**

1. UVOD

Federalno ministarstvo raseljenih osoba i izbjeglica (u daljem tekstu Ministarstvo), je formirano na osnovu Zakona o federalnim ministarstvima i drugim tijelima federalne uprave («Sl. novine FBiH» broj 19/03, 38/05, 2/06, 8/06, 61/06). Prema navedenom Zakonu, Ministarstvo obavlja upravne, stručne i druge poslove iz nadležnosti Federacije, koji se odnose na prikupljanje i obradu podataka o izbjeglicama i raseljenim osobama, koordiniranje aktivnosti rekonstrukcije zajedno sa registrovanjem i nadzorom nevladinih organizacija, stvaranje uslova za povratak raseljenih osoba u njihova mjesta stanovanja, uključujući izgradnju, rekonstrukciju, sanaciju i popravku kuća i drugih stambenih objekata za potrebe smještaja izbjeglica i raseljenih osoba, održavanje regionalnih centara za pomoć u obavljanju ovih aktivnosti i druge poslove utvrđene zakonom.

Radom Ministarstva rukovodi ministar. Sredstva za rad Ministarstva osiguravaju se u Budžetu FBiH.

Broj zaposlenih u Ministarstvu na dan 31.12.2009. godine je bio 68, za koliko su i odobrena sredstva Budžetom FBiH za 2009. godinu, dok je Pravilnikom o unutrašnjoj organizaciji predviđeno 86 izvršilaca.

Sjedište Ministarstva je u Sarajevu, u ulici Alipašina 41.

2. REZIME

Izvršenom revizijom poslovanja Ministarstva za 2009. godinu konstatovali smo određeni broj propusta i nepravilnosti, a u cilju otklanjanja istih dali smo slijedeće preporuke:

- *Potrebno je da se izbor korisnika prava za rekonstrukciju i obnovu individualnih stambenih objekata dodjelom građevinskog materijala sa dodjelom sredstava za ugradnju vrši u skladu sa članom 27. Zakona o raseljenim osobama i povratnicima u FBiH i izbjeglicama iz BiH i Procedurama za odabir korisnika pomoći posebno u dijelu izbora korisnika putem javnog poziva kako bi se osigurala puna transparentnost postupka.*
- *Potrebno je da Ministarstvo u skladu sa članom 27. Zakona o raseljenim osobama i povratnicima u FBiH i izbjeglicama iz BiH, realizaciju sredstava vrši u skladu sa utvrđenim kriterijima i odabir korisnika prava putem javnog poziva kako bi se osigurala puna transparentnost postupka, kao i da uredi adekvatne procedure odabira korisnika prava podrške povratka Srba na područje FBiH.*
- *Potrebno je da se u skladu sa Zakonom o budžetima u FBiH obaveze na teret budžeta tekuće godine preuzimaju samo za namjene i do visine utvrđene u posebnom dijelu budžeta, a u slučaju smanjenja ili povećanja odobrenih sredstava tokom godine poduzimati odgovarajuće zakonske aktivnosti.*
- *Potrebno je da Ministarstvo, u skladu sa svojim nadležnostima poduzme aktivnosti u dijelu provedbe zaključenog Sporazuma o zajedničkom finansiranju rekonstrukcije i obnove devastiranih stambenih zgrada na području Grada Mostara a u cilju realizacije istog u cjelosti.*
- *Potrebno je postupke nabavke stalnih sredstava (vozila) provoditi u skladu sa Zakonom o javnim nabavkama u BiH. Također, potrebno je odabir najpovoljnijeg ponuđača, objavljivanje obavještenja o dodjeli ugovora kao i podnošenje izvještaja o dodjeljenim ugovorima Agenciji za javne nabavke BiH vršiti u skladu sa navedenim zakonom.*
- *Za obavljanje poslova utvrđenih Pravilnikom o unutrašnjoj organizaciji angažovanje izvršilaca vršiti u skladu sa Zakonom o državnoj službi u FBiH i Zakonom o namještenicima u organima državne službe u FBiH a ugovore o djelu zaključivati za one poslove za koje je zakonskim i ostalim propisima uređena mogućnost zaključivanja istih.*
- *Potrebno je osigurati dosljednu primjenu svih pisanih procedura i pravila, kao i praćenje sistema internih kontrola, radi uspostave funkcionalnog sistema internih kontrola.*

3. PREDMET, CILJ I OBIM REVIZIJE

Predmet revizije su finansijski izvještaji Federalnog ministarstva raseljenih osoba i izbjeglica za 2009. godinu i usklađenost poslovanja sa važećim zakonskim i drugim relevantnim propisima.

Cilj revizije finansijskih izvještaja je da omogući revizoru da izrazi mišljenje o finansijskim izvještajima koji su predmet revizije, tj. da li finansijski izvještaji, u materijalno značajnom smislu, objektivno i istinito prikazuju finansijsko i materijalno stanje Ministarstva na dan 31.12.2009. godine, izvršenje budžeta za godinu koja se završava na taj dan, da li je poslovanje usklađeno sa važećim zakonskim i drugim relevantnim propisima, da li je trošenje javnih sredstava namjensko, te da li su finansijski izvještaji sačinjeni u skladu sa posebnim propisima o računovodstvu i finansijskom izvještavanju u javnom sektoru.

Revizija je obavljena u skladu sa internim planskim dokumentima u periodu od decembra 2009. godine do aprila 2010. godine.

S obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

4. NALAZI

4.1 Osvrt na preporuke iz prethodnog izvještaja

Na osnovu izvršene revizije finansijskih izvještaja za 2009. godinu, a u sklopu iste i provjere da li je postupljeno po preporukama, datim nakon obavljene revizije finansijskih izvještaja za 2008. godinu konstatovali smo da:

Ministarstvo nije postupilo po slijedećim preporukama:

- ugovori o djelu sklapani su za izvršenje onih poslova koji su u skladu sa Pravilnikom o unutrašnjoj organizaciji utvrđeni kao redovni poslovi i zadaci Ministarstva,
- nije izvršeno ocjenjivanje rada državnih službenika u skladu sa Zakonom o državnoj službi u FBiH kao i ocjenjivanje namještenika u skladu sa Zakonom o namještenicima u organima državne službe u FBiH,
- izbor potencijalnih korisnika prava nije vršen na način koji osigurava punu transparentnost postupka u skladu sa Zakonom o raseljenim osobama i povratnicima u FBiH i izbjeglicama iz BiH u dijelu realizacije Programa održivog povratka,
- raspodjela sredstava kapitalnih grantova nije vršena javnim oglašavanjem i na osnovu jasnih kriterija,
- realizacija humanitarnih, zdravstvenih, psihosocijalnih, informativnih i edukativnih projekata nije se temeljila na propisanim kriterijima uređenim Procedurama za ocjenu kvaliteta i opravdanosti prijave, zahtjeva, projekata.

Ministarstvo je postupilo po preporukama u dijelu:

- dopunjen je Pravilnik o internim kontrolama i internim kontrolnim postupcima u dijelu definisanja rizika poslovanja,
- utrošak budžetskih sredstava vršen namjenski kada je u pitanju potrošnja po osnovu jubilarnih nagrada,
- evidentiranje putnih troškova vršeno u skladu sa načelom modificiranog nastanka poslovnih događaja po kojim se rashodi i izdaci priznaju u obračunskom razdoblju u kojem su nastali.

4.2 Sistem internih kontrola

Organizacija i način rada Ministarstva uređeni su Pravilnikom o unutrašnjoj organizaciji, kojim je izvršenje poslova i zadataka Ministarstva grupisano u Kabinet, 4 sektora i inspektorat. Sektori Ministarstva su: Sektor za pravne, ekonomsko finansijske i opće poslove, Sektor za razvojne projekte održivosti povratka, Sektor za raseljene osobe, povratnike i izbjeglice i Sektor za humanitarnu djelatnost. Navedenim pravilnikom su utvrđeni poslovi navedenih organizacionih jedinica, broj izvršilaca u odnosu na određena radna mjesta, status izvršilaca po radnim mjestima i potrebni uslovi za vršenje poslova tog radnog mjesta, koji u skladu sa opisom svog radnog mjesta i izvršavaju postavljene zadatke. Ministar kao naredbodavac utroška finansijskih sredstava za rad Ministarstva potpisuje naloge za realizaciju uz prethodnu ovjeru od sekretara i nadležnog šefa odsjeka. Krajem 2008. godine Ministarstvo je donijelo Pravilnik o izmjenama i dopunama Pravilnika o unutrašnjoj organizaciji kojim uvodi poslove interne revizije sa jednim izvršiocom u okviru radnog mjesta Stručni savjetnik - interni revizor – samostalni izvršilac, za obavljanje poslova procjene i ocjene usklađenosti poslova sa zakonom, podzakonskim aktima i internim propisima. Opis poslova radnog mjesta obuhvata i izradu strateških i godišnjih planova rada interne revizije, sačinjavanje izvještaja o reviziji i predlaganje mjera za otklanjanje utvrđenih nedostataka u poslovanju. Iako je Pravilnik izmijenjen i dopunjen krajem 2008. godine ovo radno mjesto nije popunjeno ni tokom 2009. godine.

Ministarstvo je u ranijem periodu u skladu sa Smjernicama za uspostavu i jačanje internih kontrola budžetskih korisnika donijelo pisane procedure, međutim uvidom u primjenu istih konstatovana je nedosljedna primjena dijela donesenih procedura. Pored navedenog u izvještaju, utvrđeno je da se pojedine kontrolne aktivnosti ne provode na način kako je definisano donesenim procedurama: kod korištenja službenih vozila, kod troškova smještaja za vrijeme putovanja, troškova reprezentacije, kao i evidentiranje izdataka na odgovarajućim pozicijama u skladu sa Pravilnikom o knjigovodstvu budžeta u FBiH i Uredbom o naknadama troškova za službena putovanja.

Potrebno je osigurati dosljednu primjenu svih pisanih procedura i pravila, kao i praćenje sistema internih kontrola, radi uspostave funkcionalnog sistema internih kontrola.

4.3 Budžet za 2009. godinu

Izvršenje budžeta Ministarstva za 2009. godinu iznosilo je 24.551.541 KM, što u odnosu na odobrena sredstva u iznosu od 24.571.763 KM (budžet 24.443.564 KM, tekuća rezerva 128.199 KM) predstavlja realizaciju od 99,91%. Struktura iskazanih rashoda i izdataka je slijedeća: bruto plaće, naknade zaposlenih i doprinosi 7,84%, izdaci za materijal i usluge 2,19%, tekući transferi 83,21 %, kapitalni transferi 6,63% i nabavka stalnih sredstava 0,12%.

Pregled izvršenja budžeta dat je u prilogu br.1 Izvještaja.

4.4 Tekući rashodi

4.4.1 Izdaci za materijal i usluge

Izdaci po osnovu ugovora o djelu iskazani su u iznosu od 34.646 KM a sa pripadajućim porezom i doprinosima 42.697 KM. Uvidom u dokumentaciju utvrđeno je da su ugovori o djelu zaključivani za redovne poslove i zadatke ovog ministarstva predviđene Pravilnikom o unutrašnjoj organizaciji Ministarstva (u okviru Sektora za pravne, ekonomsko-finansijske i opće poslove kao i Sektora za raseljene osobe, povratnike i izbjeglice). Prema izjavi odgovorne osobe, ugovori o djelu zaključivani su za poslove utvrđene opisom radnih mjesta koja nisu popunjena kao i zbog povećanog obima posla u Odsjeku računovodstva. Angažovane osobe za obavljene poslove primale su mjesečnu naknadu u neto iznosu od 650 KM pa do 1.000 KM zavisno od ugovorenih poslova i početka primjene Zakona o načinu ostvarivanja ušteta u FBiH (kada su ugovoreni iznosi naknada smanjeni sa 1.000 KM na 650 KM). Ugovori su se većim dijelom

sklapali na periode od 2 i 3 mjeseca i redovno se obnavljali tokom 2009. godine. Većina ugovora zaključivana je nakon početka perioda za koji se ugovor zaključuje (sa zakašnjenjem i po 20 dana).

Uvidom u prezentirane izvještaje o radu osoba sa kojima je Ministarstvo zaključivalo ugovore o djelu, konstatovali smo da isti ne sadrže ime lica odnosno naziv sektora kojem se izvještaj podnosi niti da su ovjereni od strane ovlaštene osobe, koja bi potvrdila da su poslovi izvršeni u skladu sa ugovorom.

Obavljanje poslova za koje je Ministarstvo zaključivalo ugovore o djelu nemaju karakteristike samostalne, već ne samostalne djelatnosti u skladu sa Zakonom o porezu na dohodak. Navedeni poslovi imaju karakter trajnosti što potvrđuje i činjenica da su se ugovori konstantno obnavljali u toku 2009. godine. **Na osnovu naprijed navedenog konstatovano je da su ugovori o djelu zaključivani za poslove utvrđene Pravilnikom o unutrašnjoj organizaciji Ministarstva a za koje se angažovanje izvršilaca trebalo provoditi u skladu sa procedurama propisanim Zakonom o državnoj službi u FBiH i Zakonom o namještenicima u organima državne službe u FBiH.**

Za obavljanje poslova utvrđenih Pravilnikom o unutrašnjoj organizaciji angažovanje izvršilaca vršiti u skladu sa Zakonom o državnoj službi u FBiH i Zakonom o namještenicima u organima državne službe u FBiH a ugovore o djelu zaključivati za one poslove za koje je zakonskim i ostalim propisima uređena mogućnost zaključivanja istih.

4.4.2 Tekući transferi

"Transfer za raseljena lica i povratnike"

Ministarstvo je u skladu sa usvojenim Budžetom FBiH sačinilo „Plan povratka, obnove, gradnje i razvoja održivog povratka za 2009. godinu“ koji je Vlada FBiH usvojila zaključkom od 04.06.2009. godine. Takođe na prijedlog Ministarstva Vlada FBiH je isti dan donijela i Odluku o usvajanju Programa utroška sredstava sa kriterijima raspodjele sredstava "Transfer za raseljene osobe i povratnike" utvrđenog Budžetom FBiH za 2009. godinu. Navedenim Programom čiji je predlagatelj Ministarstvo, utvrđeni su opći i posebni kriteriji po kojima će se vršiti realizacija sredstava predviđenih samo za Projekat rekonstrukcije i obnove individualnih stambenih objekata i objekata zajedničkog tipa stanovanja i Projekat održivosti povratka.

Ukupno realizovana sredstva za tekuće transfere iskazana su u iznosu od 20.429.776 što u odnosu na budžetom odobrena sredstva od 20.431.460 KM (od čega se na tekuću rezervu odnosi 150.000 KM) predstavljaju izvršenje 100%. Struktura izvršenja transfera data je u sljedećoj tabeli:

R. br.	NAZIV PROGRAMA	Rebalans budžeta za 2009.god.	Tekuća rezerva	Raspoloživa sredstva (od 3 do 4)	Realiz. u 2009. god.
1	2	3	4	5	6
1.	Fond za povratak BiH	2.000.000		2.000.000	2.000.000
2.	Rekonstrukcija i obnova individualnih stambenih objekata i objekata zajedničkog tipa stanovanja	4.700.000		4.700.000	4.699.892
3.	Projekat podrške povratku Srba na područje FBiH	2.500.000		2.500.000	2.499.190
4.	Zajednički projekti sa vladinim i ne vladinim sektorom	2.400.000		2.400.000	2.399.531
5.	Projekti održivosti povratka	5.800.000		5.800.000	5.799.827
6.	Humanitarni, zdravst., psihosoc. inform. i edukativni projekt, implem. CEB projekta, pravna podrška otkupu stanova u RS, stvaranje međusobnog povjerenja povratnika i domicilnog stanovništva	481.460		481.460	481.391
7.	Obnova razrušenih stanova u središnjem dijelu grada Mostara	1.900.000		1.900.000	1.900.000
8.	Podrška obilježavanju godišnjica ukopa nevinih žrtava rata, kao izgradnja spomen obilježja na prostoru BiH	500.000		500.000	499.943
9.	Tekuća rezerva za Merhamet Sarajevo		100.000	100.000	100.000
10.	Tekuća rezerva za RKT Župa Banja luka		50.000	50.000	50.000
	UKUPNO TEKUĆI TRANSFERI	20.281.460	150.000	20.431.460	20.429.776

Projekat-Fond za povratak Bosne i Hercegovine (u daljem tekstu Fond). Po osnovu ovog projekta iskazana su sredstva od 2.000.000 KM. Osnov za realizaciju je Sporazum o udruživanju i načinu realizacije

sredstava za podršku procesu povratka u 2009. godini postignut između Ministarstva za ljudska prava i izbjeglice Bosne i Hercegovine, Federalnog ministarstva raseljenih osoba i izbjeglica, Ministarstva za izbjeglice i raseljena lica Republike Srpske, Brčko Distrikta BiH i Fonda. Istim je usaglašeno da će se u 2009. godini osigurati sredstva od 46.883.300 KM od kojih iz Budžeta FBiH 4.000.000 KM, Budžeta BiH 3.233.300 KM, Budžeta RS 4.000.000 KM, Brčko Distrikta BiH 650.000 KM i Fonda 35.000.000 KM. Navedena sredstva koristeće se za projekte odobrene od Komisije za izbjeglice i raseljena lica, uključujući Projekat iz kredita OPEC Fond za razvoj, Projekte po opštinama, Projekte sa donatorima i ostale projekte. Predviđena sredstva Budžetom FBiH za 2009. godinu od 4.000.000 KM umanjena su Rebalansom budžeta na 2.000.000 KM i ista su doznačena na račun Fonda 30.12.2009. godine. Prema izjavi odgovorne osobe Ministarstva, Budžetom FBiH za 2010. godinu predviđena su sredstva u iznosu od 2.400.000 KM od kojih je 2.000.000 KM predviđeno za izmirenje preostalih obaveza po navedenom Sporazumu.

Fond je preuzeo obavezu da polugodišnje i godišnje izvještava ugovorene strane o realizaciji projekata koji se finansiraju iz ovih udruženih sredstava, nakon što se isti usvoji od Komisije za izbjeglice i raseljena lica. Za 2009. godinu dostavljen je izvještaj u kojem su prezentirane aktivnosti Komisije i konstatacija da je sporazum implementiran kroz donošenje odluka o raspoređivanju sredstava za potrebe rekonstrukcije individualnih stambenih jedinica, rekonstrukcije objekata kolektivnog oblika stanovanja (zgrade), rekonstrukcije i obnove komunalne i socijalne infrastrukture i druge vidove održivosti, za zadovoljenje interventnih potreba povratka, za potrebe rješavanja pitanja kolektivnih centara i alternativnog smještaja u BiH. Izvještaj komisije obuhvata raspoređivanje cjelokupnog iznosa predviđenog sporazumom iako je u toku 2009. godine Ministarstvo umjesto sporazumom dogovorenih 4.000.000 KM doznačilo 2.000.000 KM.

Projekat-Rekonstrukcija i obnova individualnih stambenih objekata i objekata zajedničkog tipa stanovanja realizovan je prema prezentiranoj dokumentaciji Ministarstva u iznosu od 4.699.899 KM a isti je Programom raspodjele sredstava “Transfer za raseljena lica i povratnike“ usvojen od strane Vlade FBiH u iznosu od 4.700.000 KM. Planom povratka, obnove, navedenog projekta koji će se realizovati putem rekonstrukcije i obnove individualnih stambenih jedinica dodjelom građevinskog materijala sa dodjelom sredstava za ugradnju, obnove stambenih jedinica po sistemu „ključ u ruke“, rekonstrukcije i obnove stambenih jedinica zajedničkog tipa stanovanja (zgrada), projekata po javnom pozivu za 2008/2009. godinu i projekata socijalnog stanovanja–stambeno zbrinjavanje korisnika kolektivnih i alternativnih smještaja.

Odabir korisnika prava za dodjelu navedenih sredstava utvrđen je Procedurama za odabir korisnika pomoći posredstvom Federalnog ministarstva raseljenih osoba i izbjeglica, donešenim u skladu sa Zakonom o raseljenim licima i povratnicima u FBiH i izbjeglicama iz BiH. Procedurama je utvrđeno da se izbor korisnika izvrši putem Javnog poziva. **Uvidom u prezentiranu dokumentaciju ne može se potvrditi da je prilikom realizacije gore navedenog projekta postupljeno u skladu sa navedenim procedurama u dijelu raspisivanja javnog poziva za odabir dijela korisnika prava zbog čega se ne može potvrditi da je u potpunosti ispoštovana odredba člana 27. Zakona o raseljenim osobama i povratnicima u FBiH i izbjeglicama iz BiH u dijelu potpune transparentnosti postupka.**

Uvidom u dokumentaciju rješavanja slučajeva **rekonstrukcije i obnove individualnih stambenih jedinica po sistemu „ključ u ruke“** odabir korisnika pomoći vršio se po osnovu podnesenih ličnih zahtjeva Ministarstvu. Uz zahtjev podnosila se dokumentacija kojom se potvrđivalo ispunjenje općih i posebnih kriterija. Po donošenju odluka od strane ministra o izboru korisnika prava, zaključivao se tripartitni ugovor između korisnika, Ministarstva i općine povratka u kojima je navedeno da se slažu da će Ministarstvo izvršiti obnovu stambenog objekta koji će zadovoljavati osnovne standarde i obavijestiti korisnika o predloženim radovima rekonstrukcije, a isti se obavezuje da se po završetku radova vrati u obnovljeni stambeni objekat. Uz realizaciju prezentirani su i zapisnici o tehničkom pregledu i prijemu stambenih objekata po korisniku prava potpisan od korisnika prava, komisije i nadzornog odbora i prestavnika izvođača radova.

Dodjela sredstava za **rekonstrukciju i obnovu individualnih stambenih objekata dodjelom građevinskog materijala sa dodjelom sredstava za ugradnju** vršena je na osnovu podnesenih zahtjeva (bez javnog oglašavanja) na osnovu kojih je nadležni sektor sačinjavao potrebnu specifikaciju materijala na osnovu prethodnog uvida u stepen oštećenja objekta. Po osnovu utvrđene potrebe materijala izvršen je odabir dobavljača sa kojim se zaključuje ugovor o prodaji i isporuci građevinskog materijala.

Istom Ministarstvo dostavlja sačinjenu specifikaciju potrebnog materijala po korisnicima prava po količinama, cijenama i vrijednostima, koji vrši isporuke istog krajnjim korisnicima. Sa korisnikom prava Ministarstvo i općina u kojoj se vrši povratak zaključuju tripartitni sporazum o donaciji građevinskog materijala i obaveze da u propisanom roku izvrši ugradnju istog, nakon čega Ministarstvo vrši nadzor ugradnje.

Potrebno je da se izbor korisnika prava za rekonstrukciju i obnovu individualnih stambenih objekata dodjelom građevinskog materijala sa dodjelom sredstava za ugradnju vrši u skladu sa članom 27. Zakona o raseljenim osobama i povratnicima u FBiH i izbjeglicama iz BiH i Procedurama za odabir korisnika pomoći posebno u dijelu izbora korisnika putem javnog poziva kako bi se osigurala puna transparentnost postupka.

Projekat podrške povratku Srba na područje Federacije BiH iskazan je u iznosu od 2.499.190 KM. Planom povratka, obnove, gradnje i razvoja održivog povratka za 2009. godinu planirana je realizacija ovog projekta na područja regionalnih centara Mostara, Banja Luke, Tuzle i Sarajeva. Usvojenim Programom raspodjele sredstava „Transfer za raseljene osobe i povratnike“ – Projekat podrške povratku Srba na područje FBiH nisu utvrđeni kriteriji raspodjele sredstava za ovaj projekat. Također Ministarstvo nije sačinilo odgovarajuće procedure odabira korisnika pomoći utroška budžetskih sredstava, koje bi uredile način odabira korisnika ovog prava. Odabir korisnika vršen je bez objavljivanja javnog poziva.

Uvidom u dokumentaciju izvođenja radova na rekonstrukciji 12 objekata u općinama Mostar Drvar i Goražde po sistemu „ključ u ruke“ utvrđeno je da je odabir korisnika izvršen na osnovu zahtjeva udruženja građana Bačevići Mostara i zahtjeva općina Drvar i Goražde sa određenim prioritetima rekonstrukcije i sanacije devastiranih porodičnih kuća. Na osnovu utvrđenih ukupnih potrebnih količina materijala i usluga po svakom objektu od strane nadležnog sektora Ministarstva izvršen je odabir dobavljača i sa istima zaključen ugovor o izvršenju radova kojim je utvrđena visina sredstava po svakom predloženom korisniku prava. Ministarstvo, općina povratka i korisnik prava su zaključivali tripartitne ugovore kojim su regulisali obaveze u vezi sa sanacijom stambenog objekta, a realizacija ugovora je potvrđena zapisnikom kojeg su sačinjavali Ministarstvo, nadzorni odbor, predstavnik izvođača radova i korisnika prava. **Imajući u vidu naprijed navedeno a posebno imajući u vidu da nisu utvrđeni kriteriji kao i adekvatne procedure odabira korisnika prava i da nije objavljivani javni poziv za odabir korisnika ne može se potvrditi da su prilikom izbora dijela korisnika u potpunosti poštovane odredbe Zakona o raseljenim licima i povratnicima u FBiH i izbjeglicama iz BiH.**

Potrebno je da Ministarstvo u skladu sa članom 27. Zakona o raseljenim osobama i povratnicima u FBiH i izbjeglicama iz BiH, realizaciju sredstava vrši u skladu sa utvrđenim kriterijima i odabir korisnika prava putem javnog poziva kako bi se osigurala puna transparentnost postupka, kao i da uredi adekvatne procedure odabira korisnika prava podrške povratka Srba na područje FBiH.

Projekat održivog povratka je prema prezentiranoj dokumentaciji Ministarstva realizovan u iznosu od 5.799.827 KM a isti je Programom raspodjele sredstava “Transfer za raseljena lica i povratnike“ koji je usvojen od strane Vlade FBiH odobren u iznosu od 5.800.000 KM. Procedurama za izbog korisnika pomoći u održivom povratku, donesenim u skladu sa članom 21. Zakona o raseljenim licima i povratnicima u FBiH i izbjeglicama iz BiH utvrđeno je da se pomoć u održivom povratku može dodjeljivati putem zahtjeva podnesenih po osnovu javnog poziva raspisanog od strane Ministarstva, pojedinačno podnesenih zahtjeva, prijedloga službenika i namještenika Ministarstva koji prilikom redovnog obavljanja poslova na terenu utvrde potrebu za urgentnom dodjelom pomoći i sl. Istim je predviđeno da se pomoć u održivom povratku može dodjeljivati za obnovu i izgradnju infrastrukturnih objekata, za obnovu i izgradnju vjerskih i sakralnih objekata, obnovu i izgradnju privrednih i društvenih objekata, pomoći za zapošljavanje u poljoprivredi i drugim oblastima zavisno od potreba povratnika. **Nije prezentirana dokumentacija koja bi ukazivala da je dodjela pomoći za održivi povratak vršena putem raspisivanja javnog poziva** odnosno u određenom broju slučajeva pomoć je dodjeljivana po osnovu pojedinačno podnesenih zahtjeva. Podnesene zahtjeve razmatra i daje stručno mišljenje Sektor za razvojne projekte održivosti povratka a Komisija za ocjenu kvaliteta i opravdanosti prijava - zahtjeva koju imenuje ministar, predlaže ministru donošenje konačne odluke.

Uvažavajući značajnost iznosa odobrenih i utrošenih sredstava za ove namjene ne može se potvrditi da je prilikom realizacije gore navedenog projekta postupljeno u skladu sa navedenim procedurama u dijelu raspisivanja javnog poziva za odabir korisnika prava zbog čega se ne može potvrditi da je u potpunosti ispoštovana odredba člana 27. Zakona o raseljenim osobama i povratnicima u FBiH i izbjeglicama iz BiH u dijelu potpune transparentnosti postupka.

Projekat obnove razrušenih stanova u središnjem dijelu Grada Mostara. Po osnovu ovog projekta iskazana su sredstva od 1.900.000 KM. Osnov za realizaciju je Sporazum o zajedničkom finansiranju rekonstrukcije i obnove devastiranih stambenih zgrada na području Grada Mostara od 30.10.2007. godine između Vlade FBiH, Vlade Republike Srpske, Vlade Hercegovačko-neretvanskog kantona i Grada Mostara. Istim su se obavezali da će osigurati sredstva u iznosu od 12.000.000 KM za utrošak u 2007., 2008. i 2009. godini i da će implementator projekta biti Grad Mostar. Nalogodavac za korištenje sredstava je Gradonačelnik Grada Mostara. Na ovaj Sporazum Vlada FBiH dala je saglasnost Odlukom od 27. septembra 2007. godine i odobrila je sredstva od 5.700.000 KM koja su doznačena po godinama i to u 2007. godini 1.500.000 KM, u 2008. godini 2.300.000 KM i u 2009. godini 1.900.000 KM. Odabir korisnika projekta tj. izbor devastiranih stambenih zgrada čija rekonstrukcija i obnova će se finansirati iz ovih sredstava, na prijedlog gradonačelnika Grada Mostara, vršio je Koordinacijski tim projekta u koji je svaki potpisnik imenovao svoje predstavnike, dok su Vlada FBiH i Grad Mostar imenovali po dva predstavnika. Gradonačelnik Grada Mostara kao ovlaštenu predstavnik potpisnicima Sporazuma je bio obavezan dva puta godišnje dostaviti detaljni pisani izvještaj o realizaciji projekta i podatke o primljenim i utrošenim sredstvima. Tokom 2009. godine doznačena su sredstva na račun Grada Mostara u iznosu od 1.900.000 KM i to u 4 jednake tranše po 475.000 KM. Također Ministarstvu je dostavljen Izvještaj o realizaciji navedenog projekta iz koga je vidljivo da je Vlada FBiH izmirila obavezu dok određeni potpisnici Sporazuma iako su bili obavezni izmiriti obaveze do 30.04.2009. godine isti do 31.01.2010. godine nisu u potpunosti izmiriti svoju obavezu preuzetu Sporazumom (Grad Mostar 2.200.000 KM, Fond za povratak 250.000 KM i Vlada HNK-a 250.000 KM). **Iako je Vlada FBiH izmirila obaveze utvrđene zaključenim sporazumom,** Ministarstvo kao nadležno nije poduzimalo aktivnosti u cilju ispunjenja preuzetih obaveza iz sporazuma u cijelosti. Iz prezentiranog izvještaja može se zaključiti da je od predviđenih 27 objekata završeno samo 12 kao i da nisu započeti radovi na 2 zgrade. **Imajući u vidu naprijed navedeno ne može se potvrditi da je Ministarstvo kao nadležno ministarstvo zaduženo za realizaciju sredstava iz Budžeta FBiH za realizaciju transfera „Obnova razrušenih stanova u središnjem dijelu Grada Mostara“ poduzimalo adekvatne aktivnosti na realizaciji navedenog sporazuma a u cilju završetka rekonstrukcije i obnove devastiranih stambenih zgrada na području grada Mostara.**

Potrebno je da Ministarstvo, u skladu sa svojim nadležnostima poduzme aktivnosti u dijelu provedbe zaključenog Sporazuma o zajedničkom finansiranju rekonstrukcije i obnove devastiranih stambenih zgrada na području Grada Mostara a u cilju realizacije istog u cjelosti.

4.4.3 Kapitalni transferi

Kapitalni transferi realizovani su u iznosu od 1.627.765 KM a odobreni u iznosu od 1.628.008 KM. Programom o utrošku sredstava „Transfer za raseljene osobe i povratnike – podrška implementaciji, održivom povratku izbjeglih i prognanih lica sa područja općine Srebrenica“ koje je usvojila Vlada FBiH 04.06.2009. godine utvrđeno je da se za Podršku provedbi održivom povratku izbjeglih odobravaju sredstva u iznosu od 1.148.008 KM. Sredstva su realizovana za rekonstrukciju puta Podosmače - Osmaće dužine 3295 m u općini Srebrenica u iznosu od 1.125.765 KM i za pomoć u izgradnji Čaršijske džamije u Srebrenici u iznosu od 22.000 KM. **Rekonstrukcija puta Podosmače – Osmaće izvršena je po Ugovoru zaključenim sa GPI d.o.o. Konjic 06.08.2008. godine na iznos od 1.398.057 KM a doznačena sredstva u 2009. godini predstavljaju ostatak duga po osnovu preuzetih obaveza u 2008. godini u iznosu većem od iznosa sredstava predviđenih budžetom za tu namjenu.**

Preostali iznos od 480.000 KM odnosi se na doznaku sredstava JKP Gradska groblja Visoko. U skladu sa Odlukom Vlade FBiH Ministarstvo je doznačilo 480.000 KM JKP-u Gradska groblja Visoko za rekonstrukciju gradskog groblja. U skladu sa navedenom odlukom JKP Gradska groblja Visoko je bilo u obavezi Ministarstvu i Federalnom ministarstvu finansija podnijeti izvještaj o utrošku sredstava. JKP Gradska groblja Visoko je isti dostavilo Ministarstvu sa pratećom dokumentacijom koje je razmatrano od

strane Nadzornog odbora Ministarstva i zauzet je stav da su odobrena sredstva po odluci Vlade FBiH iskorištena za finansiranje radova na realizaciji druge faze predmetnog projekta sa naznakom da se u buduće plasiranje ovih sredstava vrši uz prethodno obezbjeđenje predračuna potrebnih radova u cilju lakšeg vršenja monitoringa kao i da vode posebnu evidenciju utroška budžetskih sredstava.

Potrebno je da se u skladu sa Zakonom o budžetima u FBiH obaveze na teret budžeta tekuće godine preuzimaju samo za namjene i do visine utvrđene u posebnom dijelu budžeta, a u slučaju smanjenja ili povećanja odobrenih sredstava tokom godine poduzimati odgovarajuće zakonske aktivnosti.

4.5 Primjena Zakona o javnim nabavkama BiH

Vlada FBiH je 19.11.2008. godine donijela Odluku o prodaji/nabavci po principu „Staro za novo“ putničkog automobila za potrebe Federalnog ministarstva raseljenih osoba i izbjeglica. Ista je stupila na snagu 04.12.2008. godine. Navedenom odlukom je utvrđeno da se Ministarstvu, nakon što realizuje prodaju 4 stara vozila, odobrava nabavka novog putničkog automobila s tim da se razlika sredstava za nabavku osigurava iz Budžeta FBiH za 2008. godinu. Nakon što je imenovana komisija od strane ministra izvršila uvid i procijenila upotrebljivost 4 vozila, donesena je Odluka o rashodovanju istih i Odluka o prodaji po principu „Staro za novo“ putem konkurentskog postupka. Nakon prijedloga komisije, Ministar dana 16.01.2009. godine donosi Odluku o izboru najpovoljnijeg ponuđača. Sa odabranim ponuđačem AFA – Racing d.o.o. Sarajevo zaključen je Ugovor o kupoprodaji putničkog vozila po sistemu „Staro za novo“ u vrijednosti novog vozila po cijeni 56.064 KM sa PDV-om i priznatom cijenom za 4 rabljena vozila od 26.500 KM, s tim da razliku od 29.564 KM plati Ministarstvo. Razlika sredstava po navedenom ugovoru u iznosu od 29.564 KM isplaćena je u 2009. godini na teret odobrenih budžetskih sredstava za 2009. godinu. S obzirom da postupak nabavke nije okončan u 2008. godini, Ministarstvo nije tražilo izmjenu odluke za 2009. godinu. **Imajući u vidu da procedura nabavke stalnih sredstava po principu „Staro za novo“ nije utvrđena Zakonom o javnim nabavkama BiH, postupke prodaje i nabavke je trebalo razdvojiti.**

Uvidom u dokumentaciju utvrđeno je da je Ministarstvo provelo postupak izbora najpovoljnijeg dobavljača za održavanje vozila marke Volkswagen tip Passat. Održavanje ovog vozila nije vršeno kod dobavljača sa kojim je zaključen ugovor, već kod dobavljača koji nije odabran po naprijed raspisanom javnom pozivu. Prema izjavi odgovorne osobe, održavanje ovog vozila se odvijalo izdavanjem narudžbenice ovlaštenom serviseru. Dokumentacija ukazuje da se od uzetih uzoraka 7.695 KM odnosi na popravke vozila Passat, a računi su ispostavljeni od ASA PVA d.o.o. Sarajevo. Ugovor o kupoprodaji vozila od 21.07.2005. godine ukazuje da je garancija proizvođača na isporučeni putnički automobil za motor 2 godine bez obzira na pređenu kilometražu. Imajući u vidu da je Uredbom o uslovima i načinu korištenja službenih putničkih automobila u organima uprave u FBiH predviđeno da su Federalni organi, korisnici službenih putničkih automobila, obavezni poduzeti sve potrebne mjere da automobili budu održavani i servisirani kod ovlaštenog serviseru za tu vrstu usluga, smatramo da uslovi garancije (koji su istekli 2007. godine) nisu bili prepreka da se za usluge održavanja vozila sprovede postupak izbora najpovoljnijeg ponuđača tj. ovlaštenog servisa, a sve u skladu sa Zakonom o javnim nabavkama BiH.

Uvidom u sačinjeni Plan nabavki Ministarstva za 2009. godinu konstatovano je da se isti odnosio samo na nabavku stalnih sredstava, dok nabavka materijala i usluga nije bila obuhvaćena istim. Uvidom u dokumentaciju odabira najpovoljnijeg ponuđača otvorenim postupkom za nabavku usluga prevoza putnika za potrebe manifestacija koje podržava Ministarstvo utvrđeno je da je Ministarstvo umjesto odabira najpovoljnijeg ponuđača odabralo dva ponuđača kao najpovoljnija. Navedeno nije u skladu sa Zakonom o javnim nabavkama u BiH imajući u vidu da se postupak provodi sa ciljem odabira jednog ponuđača. Po okončanju postupka izbora Ministarstvo nije objavljivalo Obavještenje o dodjeli ugovora u Sl. glasniku BiH u skladu sa Zakonom o javnim nabavkama BiH, niti je dostavilo izvještaj o dodjeljenom ugovoru Agenciji za javne nabavke BiH.

Potrebno je postupke nabavke stalnih sredstava (vozila) provoditi u skladu sa Zakonom o javnim nabavkama u BiH. Također, potrebno je odabir najpovoljnijeg ponuđača, objavljivanje obavještenja o dodjeli ugovora kao i podnošenje izvještaja o dodijeljenim ugovorima Agenciji za javne nabavke BiH vršiti u skladu sa navedenim zakonom.

5. KOMENTAR

U ostavljenom roku Federalno ministarstvo raseljenih osoba i izbjeglica (dopisom broj 01-36-1721-3/09) se očitovalo na dostavljeni Nacrt izvještaja o izvršenoj reviziji finansijskih izvještaja za 2009. godine. U navedenom očitovanju su date primjedbe i sugestije. Manji dio primjedbi je prihvaćen i inkorporiran u konačan Izvještaj. Ostale primjedbe nisu prihvaćene jer nije dato adekvatno obrazloženje i priložena relevantna dokumentacija koja bi utjecala na izmjenu nalaza. Detaljno pojašnjenje dato je u Pismu dostavljeno menadžmentu uz konačan Izvještaj o reviziji finansijskih izvještaja za 2009. godinu.

Rukovodilac sektora za finansijsku reviziju:
Munib Ovčina, dipl. oec.

Voda tima:
Hajrija Imširović, dipl. iur.

Članovi tima:
Mirko Mišić, dipl. oec.
Sabina Avdić, dipl. oec.

Prilog br.1.
Izvršenje budžeta Federalnog ministarstva raseljenih osoba i izbjeglica na dan 31.12. 2009. godine

U KM

Red broj	Vrsta rashoda	Budžet za 2009. godinu	Izmjene Budžeta za 2009. godinu ¹	Tekuća rezerva u 2009. godini ²	Zakonska preraspodjela sredstava	Operativni Budžet za 2009. godinu ³ (= 4 do 6)	Izvršenje Budžeta za 2009. godinu	Izvršenje Budžeta za 2008. godinu
1	2	3	4	5	6	7	8	9
I	Tekući izdaci	2.419.331	2.354.532	128.200		2.482.732	2.464.436	2.923.240
1.	Bruto plaće i naknade	1.268.781	1.426.179	27.200	+21.400	1.474.779	1.468.887	1.552.157
2.	Naknade troškova zaposlenih	307.289	272.127	32.000		304.127	302.145	423.593
3.	Doprinosi poslodavca	145.383	176.269		-21.400	154.869	154.233	173.637
4.	Putni troškovi	183.647	113.311			113.311	113.309	198.022
5.	Izdaci za energiju	20.672	12.755	20.000		32.755	28.049	22.513
6.	Izdaci za komunalne usluge	59.782	36.887	22.000		58.887	58.730	67.373
7.	Nabavka materijala	33.888	33.888			33.888	33.768	34.955
8.	Izdaci za usluge prijevoza i goriva	102.641	63.328			63.328	59.529	98.737
9.	Unajmljivanje imovine i opreme	95.000	95.000			95.000	94.629	94.630
10.	Izdaci za tekuće održavanje	79.140	48.830	6.000		54.830	54.829	87.957
11.	Izdaci za osig., bankarske usluge	14.285	8.815	4.000		12.815	12.192	13.550
12.	Ugovorne usluge	108.823	67.143	17.000		84.143	84.135	156.116
II	Tekući transferi	26.500.000	20.431.460			20.431.460	20.429.776	34.069.283
1.	Grantovi pojedincima	26.500.000	20.431.460			20.431.460	20.429.776	33.795.645
2.	Grantovi neprofitnim organizacijama							273.638
III	Kapitalni grantovi	1.980.000	1.628.008			1.628.008	1.627.765	2.499.909

¹ Zakon o izmjenama i dopunama Budžeta FBiH za 2009.godinu (»Sl. novine FBiH« br. 81/09)

² Sredstva tekuće rezerve Vlade FBiH odobrena u 2009. godini

³ Ukupno odobreni operativni budžet za 2009. godinu

⁴ Odobrenim sredstvima na poziciji »Neraspoređeni višak prihoda i rashoda« u iznosu od 15.136.171 KM Ministarstvo nije raspolagalo a ista su realizovana od strane Federalnog ministarstva finansija

1.	Kapitalni grantovi drugim nivoima vlade	1.500.000	1.148.008			1.148.008	1.147.765	2.499.909
2.	Grantovi pojedincima i neprof. organizac.	480.000	480.000			480.000	480.000	
IV	Izdaci za nabavku stalnih sredstava	50.000	29.564			29.564	29.564	89.013
1.	Nabavka opreme	50.000	29.564			29.564	29.564	89.013
A.	Ukupno rashodi i izdaci	30.949.331	24.443.564	128.200		24.571.764	24.551.541	39.581.445
B.	Neraspoređeni višak prihoda i rashoda¹		15.136.171					
A+B	Ukupno odobrena sredstva	30.949.331	39.579.735	128.200		24.571.764	24.551.541	39.581.445
Broj uposlenih		75	67			67	68	68